

HIMNO

Un Comision instala door di Gobierno a evalua si por proclama "Aruba Dushi Tera" como Himno oficial di Aruba. E Comision tabata consisti di seis ciudadano: Sra. M. Arends-Croes, Sr. Rufo Odor, Sr. Padu Lampe, Sr. E. Bennet, Sr. H. Booi y Sr. R. Wever. E Comision den su totalidad, unanimente a vota na favor di e idea.

A añadi un couplet mas cu ta elogia e cordialidad di e Pueblo Arubiano y su amor pa libertad. Dia 16 di Maart 1976, Parlamento di Aruba a aproba "Aruba Dushi Tera" como Himno Oficial di Aruba.

ARUBA DUSHI TERA

Aruba patria aprecia,
nos cuna venera,
chikito y simpel bo por ta
pero si respeta.

O, Aruba, dushi tera,
nos baranca tan stima
nos amor pa bo t'asina grandi
cu n'tin nada pa kibre!

Bo playanan ta admira
cu palma tur dorna
bo escudo y bandera ta
orguyo di nos tur!

Grandesa di bo pueblo ta
su gran cordialidad,
cu Dios por guia y conserva
su amor pa libertad!